



Die Hääresen.

„Berer, Berer horch uff mich,
Werrschd noch an mich denke,
Du, de saumerscht Borsch un Dich
An deß Mensch do hengge!
's äremischd Määre außem Ord,
Wollt fäh" Word ich saache,
Moore nedd die Hääresen
Zum Kummeriwaache.“

„Mudder gewen Eich fä" Mieh,
's iß nix mäh" se hehre,
Immer grad auß, nie nedd lieh
Ohun ehr selbschd mich lehre.
Un jезд saachen Ehr ich soll
Midd dem Määre breche!
Mudder ferscht'n Ehr Eich fä" Sinn?
's werdd sich alles räche.“

„Dummer Bu, was muschd dann aah
In die Schbrenkel laafe,
Muschd ehr alles Gure sah'
Ring un Dicher laafe.
Hann Dich ofd genung gewarnd:
Perer, mach käⁿ Bosse,
Dhu midd denn Zigeiner Dich
Nedd zu dief eiⁿlosse“

Bosse, Mudder, sinn es nedd,
Hann des Määre geren.
Wasses dhud un was es redd
Hadd e gurer Keren.
Daz se e Zigeinern is,
Is bei meer käⁿ Fehler.
's gebbd aah bei uns Chrischdeleid
Dieb genung un Fehler.“

„Guud, renn in Deiⁿ Unglick dann,
Wann De nedd willschd hehre,
Du aah werrschd genung ball hann
An dem goldig Määre.
Dhud midd ehre Feieraah
Annre sie verblänke,

Dich bedrieh un hinnergeh,
Werrschde ann mich denke."

„Mudder, des derffschd Du mer sah'
Awer sunschd kã" anner,
Zamme hedd ich en geschlah'
Moore äh" Word, wanner.
Awer aah vun Deer will ichs
Nedd zum zweddmol hehre.
Morje midd de Häärese,
Zieh ich midd mein Määre."

— — — — —

Annre Dags in aller Frieß
Werrds im Dorf lewendig.
„Die Ziegeiner weider zieh'
Hääsd's „Goddlob" un „endlich".
Machen Rich un Keller zu,
Guggen uff die Rinner,
Bauersfreaa machd noch drei Kreiz
Zwoer Ruh un Rinner.

Middem grimmischde Gefischd
Un im blooe Riddel

Newerm Waache, wie's sei" Pflicht
Schdramm marschierd de Biddel.
Männer schwarz un halbverlumbt
Weitwer gääl, hohlbaggig
Un die Kinner, Goddserbarem,
Hungrig un halbnaggig

Borrem Schnabbsarch a"geschbannnd
Midd de Baggebeere
Ziehd de Perer Hand in Hand
Midd em Häaremääre;
Nix an em verrood, was er
Fiehle dhud un denke,
Noor wie er vorm ledschde Haus,
Dhud de Blick er senke.

Sinnig kläh"ne Scheiwe, schdill,
Sitzd e aldes Frääche,
Wie des denn Radau hehrd, will
Nooh de Rrick es rääche,
Ausfeschnaufe siehd es grad
Draus des Päärche halle,
„Godd im Himmel“ freischd se uff
Un dhud zamme falle. — — — —

Johr um Johr gehd so dohi"
Summer werrds un Winder,
Dann is wirrer alles grie"
Un die Rufs gelinder.
Do am ledschde Haus im Ord
Klobbds Nachds an die Scheiwe,
's Fräache fahrd gäh in die Geh
Kann im Bedd nedd bleiwe.

Un wie es durchs Fenschder guckt
Siehds e Mann draus schdehe
Siehd dann wie der winkt un nuggt
Wirrer ford will gehe.
Do wie er 's Gesicht rundrehd
Kummds ehr: Nor de Berer
Kann des sei", un's Fenschder uff,
Richdig aah do gehrer.

„Berer!“ Alles is vergeß,
Was an Lääd un Kummer
Sie in sich enei"gefress
Winder lang un Summer.
Was u"glaablich faschd, sie hadd
Ehren Berer wirrer,

Zwar verlodderd un verschlambd
Doch midd graare Glirrer.

Nedd allähⁿ de Perer kummd,
Draahd im Arm e Binne,
's is e Kind, feschd eiⁿgemummd
In e aldi Winne,
Schwarze Au'e, schwarze Hoor,
Un die Hänne, die Klänne,
Feschd zu Feischdcher schun gebald,
Fangds jekd aⁿ se fenne.

Mudderherz, waß bische doch
Gar e eije Weese
Un waß du so aarig noch
Leidschd in Gud un Weese,
Dhud dich aah deß Schicksal ofd
Marre schwer un äffe
Nix, wanns ans Verzeihe gehd,
Kann dich iwerdresse.

In de Schdubb de Perer sitz,
Im e Korb am Dwe
's Kind, vorm Gambelichd geschitzd
Durch e Duch am Klowe.

Un de Berer der verzehld
Dief de Robb verborje
In de Hänn, als ob en quel'
Kummer noch un Sorje.

Wie er midd durchs Vann gezoh,
Selwer e Rigeiner,
Wie er midd en Hännel krieht
Weil er bisje feiner,
Wie seiⁿ Fraa se uffgehetd,
Geh ihn sich se schdemme,
Un, wie die zu dood sich schderzd
's Kind ihm wollden nemme.

Wie er dann bei Wind un Nachd
Ausgeriß de annre,
Wie er sich dann uffgemachd
Wirrer häm se wannre.
„Mudder, ich hann's nedd verdiend
Dafß D' mich uffgenumme,
Noore weh' dem Bermche dord
Bin ich wirrer kumme!“.

Schdill, ganz schdill im Schdibbche iß,
Nor die Uhr dhud ticke,

Durch die Fenschderlaareriß
Dhud de Daah schun blicke.
Vorrem Frääche schlooseweis
Dhud de Berer kniee
„Mudder!“ wie e Beede leis,
Dhud's durchs Schdibbche ziehe.

